

Allakkat toqqorsivimmiitiat pillugit Namminersorlutik Oqartussat nalunaarutaat nr. 23, 26. september 2016-imeersoq

Allagaateqarfeqarneq pillugu Inatsisartut inatsisaat nr. 5, 3. juni 2015-imeersumi § 8, § 10, § 11, imm. 1 aamma § 13, imm. 2 naapertorlugu kiisalu Nunatta
Katersugaasivianik Allagaateqarfianillu aamma Kalaallit Nunaanni Kommunit
Kattuffiannik, KANUKOKA, isumaqatigiinniarnerit malillugit, aalajangersarneqarpoq:

Kapitali 1

Atuuuffia

§ 1. Nalunaarut inatsisaat Namminersorlutik Oqartussani Kalaallit Nunaannilu kommunini ingerlatsivinnut tamanut atuuppoq.

Imm. 2. Nalunaarut sullissiveqarfinnut, ingerlatseqatigiiffinnut, peqatigiiffinnut il.il., pisortat ingerlatsiviitut naatsorsunneqarsinnaangitsunut aamma atuutissaaq, kisianni allagaateqarfeqarneq pillugu Inatsisartut inatsisaanni § 1, imm. 2 naapertorlugu inatsisartut inatsisaanni ilaassanngitsoq Naalakkersuisut aalajangerput.

Imm. 3. Oqartussaqarfiit, sullissiveqarfiit, ingerlatseqatigiiffiit, peqatigiiffiit il.il. imm. 1-2-lu ilaatinneqartut tulliuttuni pisortat sullissiveqarfiisut taagorneqassapput.

Kapitali 2

Suliarinninneq toqqortaqarnerlu

§ 2. Pisortat sullissiveqarfiutaasa toqqortaatimik, matumani ilanngullugit elektronikkimik toqqortat, piffissami sukkulluunniit Nunatta Katersugaasiviata Allagaateqarfialtu allagaateqariaatsit akuerisai isumannaatsumik suliarineqarnissaat toqqortarineqarnissaallu isumagissavaat.

Imm. 2. Pisortat sullissiveqarfiutaasa toqqortatik pisortat sullissiveqarfiisa allat toqqortaataannit immikkoortissavaat.

§ 3. Pisortat sullissiveqarfiutaasa allakanik toqqorsivimmiititanik suliaqarnerminni toqqortaqarnermilu, matumani ilanngullugit pappiarat uppernarsaataasut aamma elektronikkimik sulianut uppernarsaatillu aqunnerinut ataqtigiiissumik aaqqissuussinerit (ESDH-mik ataqtigiiissumik aaqqissuussinerit) uppernarsaatit digitalinngortitanut allagaatinut sikaaviit ataqtigiiissumik aaqqissuussinermut tamatumunnga naleqquttut atussavaat.

Imm. 2. Ataqtigiiissumik aaqqissuussinerit atorneqartut imatut periuseqarluni aaqqissunneqarsimassapput, inunnut attuumassuteqartut imaluunniit paasissutissat allanut oqaatigeqquaanngitsut nassuitsumik oqaatigineqartunut aamma piviusorsiortumik siunertaqartunut, matumani ilanngullugit oqaluttuarisaanermut, kisitsisit atorlugit nassuaasiornermut imaluunniit ilisimatusarnermut atasumik siunertanut taamaallaat atortinneqarsinnaassasut qularnaassallugu.

§ 4. Pisortat sullissiveqarfiutaat atorunnaarsinneqarpat, pisortat sulliviutaannut suliassaqarfimmik tigusisumut suliffeqarfiup allanut toqqorsivianiittut sularissallugit toqqortarineqarnissaallu akisussaaffigissallugit pisussaavoq.

Imm. 2. Pisortat sulliviutaannit suliassaqarfik tiguneqanngippat, Nunatta Toqqorsivianut allakkat toqqorsivimmiititassat tunniunneqassapput. Pisuni taamaattuni pisortat sullissiveqarfiutaannut atorunnaarsinneqartumut tunngatillugu tassunga quillunerusumik oqartussaasoq pisussaavoq allakkat toqqortaasivimmiitat tunniunneqarnerinut akisussaassalluni.

§ 5. Pisortat sullissiveqarfiata suliassaqarfiisa pisortat sullissiveqarfiannut allamut nuunneqarneranni, toqqortat sulianut inaerneqanngitsunut tunngassuteqartut pisortat sullissiveqarfiutaannut suliassaqarfimmik tigusisumut nuunneqartassapput.

Imm. 2. Toqqortat allat Nunatta Katersugaasivianut Allagaateqarfianullu nuunneqarnissamik tungaanut allagaateqarfeqarneq pillugu Inatsisartut inatsisaanni § 12 naapertorlugu pisortat sullissiveqarfiutaanni nuussisumiiginnartassapput. Toqqortat taamaattut pisortat sullissiveqarfiutaannut tigusisumut nuunneqartarnissaat Nunatta Katersugaasiviata Allagaateqarfiatalu pisuni immikkut ittuni akuerisinnaavaa.

Imm. 3. § 2, imm. 2-immi aalajangersagaq aamma atutissaaq imm. 1 aamma 2 naapertorlugit toqqortaatinik nuussisoqarnerani.

Imm. 4. Pisortat sullissiveqarfiutaasa akornanni suliassaqarfinni nuussinermi sullissiveqarfiit attuumassuteqartut toqqortaait agguataarneqarnissaat pillugit malittarisassat imm. 1-3 naapertorlugit aalajangiissapput.

*Toqqortaatit IT-mi ataqtigiissumik aaqqissuussaniittut immikkut sularineqartarnerat
toqqortarineqarnerallu*

§ 6. IT-mi ataqtigiissumik aaqqissuussaniittut allakkanik ilallit suliamut allakkat tamarmik attaveqartinnejassapput

Imm. 2. Suliat tamaasa pillugit paassisutissat nalunaarsorneqassapput, suliap suussusersinnaaneranut nassaarinissaalu periarfissiuunniarlugit, matumani ilanngullugit:

- 1) suliap normua,
- 2) suliap taaguutaa,
- 3) suliamut akisussaasoq aamma
- 4) allakkanik nalunaarsuiffeqarneq, imaluunniit nalunaarsuineq nalunaarsuinermut suleriaatsimut allamut naapertuttoq takuuk § 15, imm. 2.

Imm. 3. Paassisutissat imm. 2-mi allaaserineqartut ataqtigiissumik aaqqissuussami tabelip oqaluttuassartaata ataatsimut nassuaataani imatut upternarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 7. Suliat ataasiakkaarlutik paassisutissartaat nalunaarsorneqassapput, suliap suussusersinnaaneranut nassaarinissaalu periarfissiuunniarlugit, matumani ilanngullugit:

- 1) allakkap taaguutaa,
- 2) allakkap ullulernera,
- 3) allakanut isertunut anisunullu: nassiussisoq/tigusisoq,

4) toqqorsivimmiieteriaaseq aamma

5) suliamut ilaaneq.

Imm. 2. Paasissutissat imm. 1-imik allaaserineqartut ataqatigiissumik aaqqissuussami tabelip oqaluttuassartaata ataatsimut nassuaataani imatut uppernarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 8. IT-mi ataqatigiissumik aaqqissuussami, oqartussaasunit arlalinnit atorneqartumi, suliami uppernarsaatinilu nalunaarsuiffimmi, oqartussaasup sorliup suliassaq uppernarsaalluunniit nalunaarsorsimaneraa takuneqarsinnaassaaq.

§ 9. Tassunga immikkut illuinnartumik tunngavissaqartillugu §§ 5-8-mit Nunatta Katersugaasiviata Allagaateqarfiatalu immikkut ittumik akuersissuteqarfijisinnavaai.

*IT-mit ataqatigiissumik aaqqissuussamit paasissutissanik uppernarsaatitaanilluunniit
allagaateqariaatsit*

§ 10. Allagaateqariaaseq tassaavoq paasissutissanik aaqqissuussineq, paasissutissat imarisai aamma allagaateqariaaseq pillugu paasissutissiineq.

Imm. 2. Allagaateqariaaseq paasissutissanik paasiuminaallisakanik imaqassanngilaq.

Imm. 3. Allagaateqariaaseq piffissami killilimmeersunik paasissutissanik aallakkanilluunniit eriaginartumik tamanik, paasissutissanik iluarsiiffigineqartarunnaarsimasunik ilaartorneqarunnaartunilluunniit, imaluunniit piffissami aalajangersimasumi piffissarpiamik takussutissatut ilusilerneqartunik paasissutissanillu allagaatinilluunniit eriaginartunik tamanik imaqassaaq.

Imm. 4. IT-mi ataqatigiissumik aaqqissuussamit allagaateqariaatsimi allagaatit nalunaarsuinermut piffissaq nikisinnagu suliarineqarpata imaluunniit nalunaarsuinermut piffissap nikisinneranut atatillugu allagaatinik piffissamut nutaamut nuussinermi, allakkat allagaateqariaatsimut ilannguttut, IT-mi ataqatigiissumik aaqqissuussami imatut periuseqarluni nalunaaqtserneqassapput, allagaateqariaatsini tulliuttuni pinngitsoorneqarsinnaallutik.

Imm. 5. Allagaateqariaatsit allatigut tassunga najoqquṭassanut, matumani ilanngullugit filet qanoq ituunissaat paasissutissallu ilusissaat pillugit Nunatta Katersugaasiviata Allagaateqarfiatalu aalajangersagaanut naapertuitissapput. Najoqquṭassiat Nunatta Katersugaasiviata Allagaateqarfiatalu nittartagaani tamanut saqqummiunneqassapput.

§ 11. Allagaateqariaatsimi paasissutissanik ilusilersuineq imaappoq:

1) mappit ilusilersorneri,

2) atassuteqarnermut paasissutissaateqarfiup ilusilersornera 1-itut nalinginnaasumik ilusilerlugu qaffasinnerusunngorluguluunniit, indexfile tableIndex.xml-imi oqaatigineqarpoq

3) XML-imimi indexfilet allat, allagaateqariaatsimi pingarnertut imarisaa pillugu paasissutissanik ilusiliisut, filet tamakkerlugin allagaateqariaatsimi, uppernarsaatit ataqatigiinnerini aamma digitalikkut uppernarsaatitarisinnaasaani.

§ 12. Paasissutissat imarisai makkuupput:

1) tabelip imarisaani paasissutissat piissusii assigiissaakkat aamma

2) digitalikkut allagaataasinnaapput, nippit, videot aamma nunap sananeqaataanut tunngasut paasissutissatut angissusilorsorlugit assigiissaakkat.

§ 13. Allagaateqariaaseq pillugu paasissutissat makkuupput allaffisornermut atugassatut, paasissutissat imarisaannik IT-milu ataqtigiissumik aaqqissuussaq

Kapitali 3

Nalunaarutiginninnerit akuersissuteqarnerillu

Nalunaarsuisarnernut toqqortaateqarnernullu pilersaarutit aamma nalunaarsuisarnermut ilitsersuutit

§ 14. Pisortat sullissiviutaat nalunaarsuisarnernut toqqortaateqarnernullu pilersaarutinik aamma nalunaarsuisarnermut ilitsersuutinik, taakkua atorneqalersinnaagit Nunatta Katersugaasivianit Allagaateqarfiannillu akuerineqartussanik suliaqassapput.

§ 15. Nalunaarsuisarnernut toqqortaateqarnernullu pilersaarutit tunngaviusut imaattut malillugit ineriartortinneqassapput:

- 1) pilersaarut sammisanut immikkoortiterneqassaaq,
- 2) suliffeqarfiup suliassamik ingerlatsinerani suliassaqarfini sammisat immikkoortiterneqassapput aamma sullissiveqarfuit aaqqissuussaanikkut ilusilorsorneri pineqassanngillat,
- 3) nalunaarsuisarnernut toqqortaateqarnernullu pilersaarutit qaffasissutsinut immikkoortiterneqarsimassapput aamma
- 4) qaffasissutsit amerlassusaat sullissiveqarfiup pisariaqartitaanut killiliussat iluanni sapinngisamik killilersimaneqassapput.

Imm. 2. Suliffeqarfiup suliassat qanoq ittuuneri killeqartut taamaallaat suliarisarpagit nalunaarsuisarnernut toqqortaateqarnernullu pilersaarut pillugu piumasaqaammut Nunatta Katersugaasivia Allagaateqarfialu immikkut ittumik akuersissuteqarsinnaapput.

§ 16. Nalunaarsuinermut ilitsersuut makkua allaaserinerinik imaqassaaq:

- 1) Oqartussaasup sulisaasianut suliallu ingerlasarnerinut tunngatillugu:
 - a) Suliassanik allakkanillu atsiineq,
 - b) Suliad pilersinneqarneri matunerilu, aamma
 - c) Ataqatigiissumik aaqqissuussamik nalunaarsuinermik matumani ilanngullugit ataqatigiissumik aaqqissuussaq atajuartinniarlugu malittarisassat allaatigineqarneri atorneqarnerilu.
- 2) Suliassaqarfuit allanngortinnerinik suliaqarneq.
- 3) Nalunaarsuinermi piffissat killillit.
- 4) Ataqatigiissumik aaqqissuussami nalunaarsuinermi pitsaassutit qularnaariffigineri aamma nalunaarsuinermik suleriaatsip nakkutiginera.
- 5) Nunatta Katersugaasivianut Allagaateqarfiannillu tunniussinermut atatillugu ingerlatseriaaseq.

Imm. 2. Allagaataasivimmut inissiinermi IT-mik ataqatigiissumik aaqqissuussaq atorneqarpat, saniatigut nalunaarsuinermut ilitsersuut allaatiginneqartunik makkuninnga imaqassaaq:

- 1) Ataqatigiissumik aaqqissuussap siunertaa imarisaalu, matumani ilanngullugit oqartussaasup ataqatigiissumik aaqqissuussaanut allanut ataqatigiissuteqarneq.
- 2) Toqqorsivimmiiitsinerup annertussusiata aqunneqarnera, matumani ilanngullugit immaqa allakkat

pappiarat il.il. IT-mi ataqtigiissumik aaqqissuussat nalunaarsorneqartut, ataqtigiissumik aaqqissuussami toqqortaangitsut toqqorneqarneri.

3) Ataqatigiissumik aaqqissuussami filet pissusii akuerisat.

4) Ataqatigiissumik aaqqissuussamik atortussat assingisa scannerner digitalisererneriluunniit.

5) Ataqatigiissumik aaqqissuussanik allanngortitsineq.

§ 17. Nalunaarsuisarnernut toqqortaateqarnernullu pilersaarutit imaluunniit nalunaarsuinermik ilitsersuutip akuersissutigineranut atatillugu Nunatta Katersugaasivia Allagaateqarfialu taakkua siunissami atajuartinniarlugit atugassanik aalajangersaasinnaapput.

Imm. 2. Nalunaarsuisarnernut toqqortaateqarnernullu pilersaarutit imaluunniit nalunaarsuisarnermut ilitsersuutit allanngortinneri Nunatta Katersugaasivianut Allagaateqarfianullu nalunaarutigineqartassapput tassanngalu akuersissutigineqarlutik.

Imm. 3. Taamaattorli allanngortitsinernut piumasarineqartunut mikinerusunut pisortat sullissiviutaasa naminneq nalunaarsuiffimminnik toqqortaateqarnermillu aaqqissornissaannut, matumani ilanngullugu nalunaarsukkat normuinik pilersitsinermut allannguinermullu Nunatta Katersugaasivia Allagaateqarfialu immikkut akuersissuteqarsinnaavoq.

Nalunaarutiginninnerit akuersissuteqarnerillu allat kiisalu ingerlatseriaatsit

§ 18. Naalakkersuisuni suliassaqarfiit allanngorneri Nunatta Katersugaasivianut Allagaateqarfianullu nalunaarutigineqassapput.

Imm. 2. Suliassaqarfiup allanngorneranut imaluunniit nalunaarsuiffimmut ilitsersuummi tassunga uppernarsaanikkut nalunaarutiginninneq pissaaq. Nalunaarummi § 17, imm. 2 sioqqutsisumik nalunaaruteqarneq akuersissuteqarneq pillugu piumasaqaammi nalunaaruteqarneq ilaanngilaq.

§ 19. IT-mik ataqtigiissumik aaqqissuussani, paasissutissanik katersisuni toqqortuissunilu, oqartussaasut sulinerannut (digitalimik ingerlatsinermut atortut) atatillugu pilersinneqartut imaluunniit pissarsiarineqartut, Nunatta Katersugaasivianut Allagaateqarfianullu nalunaarutigineqassapput, tamatuma kingorna ataqtigiissumik aaqqissuussap paasissutissat imarisai iluatinnartuunersut naliliissaaq. Taamaassappat Nunatta Katersugaasivianit Allagaateqarfianillu akuersissutigineqassapput.

Imm. 2. IT-mik ataqtigiissumik aaqqissuussap pissarsiarivinnissaa qaammatinik pingasunik sioqqullugu kingusinnerpaamik nalunaarutiginninneq pissaaq.

§ 20. Allakkat toqqorsivimmiitat toqqortarinerinut suliainerinullu pisortat sullissiveqarfiataat annertuumik allanngortitsippat, soorlu toqqorsivik nutaaq atulerniarlugu, allannguuut atuutilersinnagu qaammat ataaseq sioqqullugu Nunatta Katersugaasivianut Allagaateqarfianullu nalunaarutigineqassaaq tassanngalu akuersissutigineqarluni.

§ 21. Nalunaaruteqarnermut akuersissuteqarnermullu ingerlatseriaatsimut atatillugu pisortat sullissiveqarfiataat allakkamik naammaginarluartumik tunniussissaaq aamma Nunatta Katersugaasivianit Allagaateqarfianillu tamanna pillugu qinnuteqareerneratigut paasissutissanik naleqquttunik nassiusssaaq.

§ 22. Nalunaaruteqarneq Nunatta Katersugaasiviata Allagaateqarfiatalu immersugassat innersuussutai aamma ingerlatseriaatsimut tassunga Nunatta Katersugaasiviata Allagaateqarfiatalu aalajangersagai naapertorlugit pissaaq. Nunatta Katersugaasiviata Allagaateqarfiatalu nittartakkamini, immersugassat suut atorneqassanersut, nalunaarutiginninnermi akuersissuteqarnermilu ingerlatseriaatsit aamma nalunaaruteqarnermut killigititaq, tamanut saqqummiuppai.

Kapitali 4

Tunniussineq

§ 23. Allakkat toqqorsivimmiiitat ukiunit 15-init pisooaanerusut pisortallu sullissiveqarfiutaata sulinerani atortussajunnaartut Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq.

Imm. 2. Tunniussinissap tungaanut pisortat suliffeqarfiutaat allakkanik toqqorsivimmiiitaminnik illorsorneqarsinnaasumik toqqortarininnissaminut pisussaapput.

Imm. 3. Pisortat sullissiveqarfiutaat atorunnaarsinneqarpat taassuma toqqortaataasa pisooaassusaat apeqquaatinngagu tunniunneqartassapput, pisortat sullissiveqarfiutaannit allamit suliassaqarfimmik tigisisussamit atorneqassanngikkunik.

§ 24. Allakkat toqqorsivimmiiitat tunniunneqarnerminni torersarneqarsimassapput, poortorneqarsimallutik, nalunaaqutserneqarlutik quelequtsersorneqarsimassallutillu aammalu suliati ataasiakkaat pisariaqanngitsortaat peerneqarsimassallutik, kisianni takuuk imm. 2.

Imm. 2. Allakkat toqqorsivimmiiitat pisortat sullissiveqarfiutaata sullissiveqarfimmit atorunnaartumit tigusai, tiguneratut pissuseqartillugit tunniunneqarsinnaapput.

Imm. 3. Pisortat sullissiveqarfiutaat tunniussisoq tunniussinermi aningaasartuutinik tamanik akiliissaq.

§ 25. Allakkat toqqorsivimmiiitat allagartaasa tunniussinnermi tunniussineq sioqqullugu pisortat sullissiveqarfiutaata tunniussinermut piareersaaneq suliarissavaa, ilaassappullu:

- 1) atortut paarineqartussaanngitsut immikkoortinneqassapput,
- 2) allakkat toqqorsivimmiiitanut ajoqusernerusinnaasut iluarsaaneq,
- 3) Nunatta Katersugaasiviata Allagaateqarfialtu innersuussineri malillugit allakkat toqqorsivimmiiitat poortorneqassapput nalunaaqutserneqarlutillu,
- 4) suliassap salinnersa, imaappoq allakkanit toqqorsivimmiiitanit savimerngit plastikkillu ppiarneri aamma
- 5) allakkanut toqqortaasisivimmiiitanut upternarsaanaerup suliarineri.

Imm. 2. Qanoq eriagisariaqartigineranut tunngatillugu tamanna eqqarsaatigineqassappat, imm. 1-impi umasakaatinut Nunatta Katersugaasivia Allagaateqarfialu immikkut akuersissuteqarsinnaapput.

§ 26. Allakkat toqqortaasisivimmiiitat elektronikkiusut tunniunneranni, pisortat sullissiveqarfiutaata allagaateqariaatsit iluseqarluni tunniussisoqarnissaa qularnaassavaa. Tamanna paasissutissanut allakkatigut upternarsaatit, nipit, videot assitigullu atortut eriagisariaqartunut atuuppoq.

Imm. 2. Nunatta Katersugaasiviata Allagaateqarfialtu eriagisariaqarsinnaaneq pissutigalugu, allakkat

toqqorsivimmiiitat allagartaasa allagaateqariaatsitut iluseqarlutik toqqortaatigineqarnissaat, aalajangersarsinnaavaa.

Imm. 3. Nunatta Katersugaasiviata Allagaateqarfiatalu eriagisariaqarsinnaaneq imaluunniit naleqquttumik pissuteqarluni allagaateqariaatsip tunniunneqarnissaa pillugu piumasaqaammik immikkut akuersissuteqarsinnaavoq taarsiullugu atortussat allatut ilusilerlugit tigusinnaallugit, assersuutigalugu qarasaasiomit pappiaranngortitatut.

§ 27. Allagaateqariaatsimit paasissutissat eriagisariaqartut Nunatta Katersugaasiviata Allagaateqarfiatalu piffissani aalajangersagaani tunniunneqassapput. Tunniussinissamut piffissat Nunatta Katersugaasiviata Allagaateqarfiatalu nittartagaani tamanut saqqummiunneqassapput.

§ 28. Allakkat toqqortaatigineqartut tiguneqarpata, Nunatta Katersugaasiviata Allagaateqarfiatalu tigunerinut uppermarsaat nalunaarutigissavaa. Nalunaarummi § 29 malillugu tigusineq akuersissutiginninnerunngilaq.

§ 29. Allakkat toqqorsivimmiiitat aatsaat tunniunneqartutut isigineqassappat, tunniussineq Nunatta Katersugaasiviata Allagaateqarfiatalu akuersissutigippagit.

Imm. 2. Allakkat toqqorsivimmiiitat allagartaasa tigunerini paasineqarpat, tunniussinermut piareersaanermik suliaq naammassineqarsimanngippat, takuuk § 25, amigaatit paasineqartut sullissiveqarfimmit tunniussisumit imaluunniit sullissiveqarfiup akiligassaanik iluarsineqassapput.

Imm. 3. Elektronikkimik allakkat toqqorsivimmiiitat tigunerani paasineqarpat, allagaateqariaatsip tamatumunnga malittarisassai naammassinninngitsut, takuuk §§10-13, allagaateqariaatsimi amigaataasut sullissiveqarfimmit tunniussisumit imaluunniit sullissiveqarfiup akiligassaanik iluarsineqassapput.

§ 30. Allagaateqariaatsip tunniunnerata kingorna paasissutissat tunniunneqartut nuutinneri uppermarsaatit suliallu aaqqissuunneqarnissamut (oqaluttuarisaanermut paasissutissaateqarfik) matoqqappata sullissiveqarfiup tigummiinnarsinnaavai.

Imm. 2. Paasissutissaateqarfiup oqaluttuassartaa taamaallaat toqqorsimaneqassaaq inatsimmi ilaani allami peerneqarnissaanut piffissamut killigititanut akerliunngippat. Pisortat sullissiveqarfiutaata paasissutissaateqarfiisa oqaluttuassartaasa inatsisip ilaani allami peerneqarnissaannut killigititat naapertorlugit peerneqarnissaat qularnaassallugu akisussaaffigaa.

Kapitali 5

Atorunnaarsitsineq

§ 31. Allakkanik toqqorsivimmiiitanik atortussaajunnaarsitsineq tulleriaarluakkamik suliarineqarluni sunniuteqarluartumillu naammassineqassaaq, taamaalilluni isumalluutit, toqqortaateqarnermut atatillugu atorneqarnerat naleqqunnerpaamik atorluarneqaqqullugu.

Imm. 2. Allakkanik toqqorsivimmiiitanik atortussaajunnaarsitsineq aatsaat pisinnaavoq, allakkat toqqorsivimmiiitat allaffissornikkut eqqartuussivikkulluunniit innuttaasumut oqartussaasumulluunniit pingaarutaaruppata aamma toqqortaateqartussaanerut tunniussinissamulluunniit inatsit alla malillugu naammassineqarpat.

Imm. 3. Suliap suliareqqitassanngornerani, aqutsinermut oqartussaasumut allamut

naammagittaalliuut, ombudsmandimut naammagittaalliuut imaluunniit eqqartuussivinni suliassangortitsineq, suliareqqitassangortitsineq, naammagittaalliuut imaluunniit eqqartuussivimmi suliariinnerup naammassinissaa sioqquullugu atorunnaarsitaassanngilaq.

§ 32. Pisortat suliffeqarfisa allakkat uppernarsaatit makkua piumasaminnik atortussajunnaarsissinnaavaat, taamaattorli takuuk imm. 2 aamma § 31, imm. 2:

- 1) Naatsorsuutinut bilagit.
- 2) Naatsorsuutinut atortussat allat, ukiunik tallimanik pisoqaanerusut.
- 3) Illuutinut tunngasunik ingerlatsineq, atortut pilersuinerillu pillugit suliat.
- 4) Allaffisornermut pissutsinut, matumani maskiinanut kiisalu pequtinut tunngatillugit suliassat.
- 5) Allakkat uppernarsaatit, Nunatta Katersugaasiviata Allagaateqarfiatalu elektronikkimik ataqtigiiussumik aaqqissuussamik akuerisaanik scannerneqartut.
- 6) Atortussat katersat, taamaallaat pissarsiarineqartut eletronikkimik nalunaarsuiffinnut, paasissutissaateqarfinni il.il. paasissutissatut qarasaasiamik suliarineqarnissaat siunertalarugu (paasissutissat qarasaasiap suliassai).
- 7) IT-mik ataqtigiiussumik aaqqissuussamik allaganngortitat katersat, taamaallaat allagarsiinermi, paasissutissiinermi nakkutiliinermilu atorneqartut (paasissutissat edb-mi ataqtigiiussumik aaqqissuussamik suliarineqartut).
- 8) Atortussat saqqummiussat, matumani ilanngullugit atuagaqqat, internetimit pappialanngortitat, suliamik ingerlatsinissamut pissutissaqalersitsinngitsut.
- 9) Atortussat allat, paasissutissatut tigusat, aamma suliamik ingerlatsinissamut pissutissaqalersitsinngitsut.
- 10) Oqartussaasut saqqummiussaasa sanaartornerinut atortussat, matumani ilanngullugit internetimi nittartakkat.
- 11) Nuutitsinerit sinneruttut, allakanik uppernarsataasunik pappiaranngortitsinerit sinneruttut.

Imm. 2. Allakkut atorunnaarsitsineq Nunatta Katersugaasiviata Allagaateqarfiatalu tassunga najoqqutassat aalajangersagai naapertorlugit pissaaq. Najoqqutassat Nunatta Katersugaasiviata Allagaateqarfiatalu nittartagaani matumani ilanngullugit najoqqutassiat taamaallaat pisortat sullissiveqarfutaannut tamanut saqqummiunneqassapput.

§ 33. Eletronikkikkut allakanik toqqorsivimmiititanik tunniussinermut atatillugu Nunatta Katersugaasiviata Allagaateqarfiatalu nalilissavaa, digitalimik paasissutissat suut atatiinnarneqassanersut, suullu atortussajunnaarsinnejassanersut.

Imm. 2. Pisortat sullissiviffeqarfutaanni IT-mik ataqtigiiussumik aaqqissuussami paasissutissanik atortussajunnaarsitsilluni peersisoqassanngilaq allagaateqariaasinngorlugit paasissutissat Nunatta Katersugaasiviata Allagaateqarfiatalu tunniunneqartinnagit imaluunniit suliassamut tunniussinermut atatillugu Nunatta Katersugaasiviata Allagaateqarfiatalu atorunnaarsitsinissaanut aalajangiunneqarsimappata, taamaattorli takuuk § 34.

Imm. 3. Nunatta Katersugaasivia Allagaateqarfialu imm. 2-mi piumasaqaatigineqartunut immikkut ittumik akuersissuteqarsinnaapput, tunniussineq sioqquullugu allakanik toqqorsivimmiititanik toqqorsinissamut atorunnaarsitsinissamullu naliliinissamut, tamanna pillugu pisortat sullissiveqarfutaata sullissiveqarfuiup toqqorsinissamut inissakillorneq tunuliaqtalarugu qinnutigippagu.

§ 34. Atorfinnut qinnuteqaatit, atorfinitsitaanngitsoorermik kinguneqartut, ukioq ataaseq toqqortarineqassapput, tamatumalu kingorna atortussajunnaarsinneqassapput, taamaattorli takuuk § 31, imm. 3.

§ 35. Allakkat toqqorsivimmiitat, Nunatta Allagaateqarfianit atorunnaarsitsinissamut aalajangiunneqartut, Nunatta Allagaateqarfianut tunniunneqarsinnaanngillat.

Imm. 2. Allakkat toqqorsivimmiitat atorunnaarsitassanngortitat aarlerinanngitsumik periuseqarluni aserorterneqarnissaat oqartussaasut suliffeqarfisa qularnaassavaat.

Imm. 3. Allakkat toqqorsivimmiitat, paasissutissaateqarfip oqaluttuassartaata ilaatut inisisimasunut, takuuk § 30, imm. 2-mi aserorterinissaq pillugu piumasaqaammut ilaanngillat.

Kapitali 6

Nakkutiginninneq pineqaatissiinissamullu aalajangersakkat

§ 36. Nunatta Katersugaasivia Allagaateqarfialu Allagaateqarfeqarneq pillugu Inatsisartut inatsisaata eqqortinneqarnissaannik nakkutiginnittuuvoq, nalunaarut manna najoqqtassallu, nalunaarut aamma allagaateqarnermut malittarisassat naapertorlugit Nunatta Katersugaasiviata Allagaateqarfialtu atortuulersippai.

Imm. 2. Nunatta Katersugaasivianut Allagaateqarfianullu, nakkutiginninnerup suliariinissaanut pingaarutilinnik, paasissutissanik taamaattunik tamanna pillugu qinnuteqarneq malillugu Pisortat sullissiveqarfutaat tunniussisassapput

Imm. 3. Pisortat sullissiveqarfutaannik allagaateqarnermut malittarisassanik qaangiinnaasoqarnera paasineqarpat, sullissiveqarfik malittarisassanik naammassinneqqullugu aaqqiissuteqarnissaanik Nunatta Katersugaasiviata Allagaateqarfialtu peqqusinnaavaat.

Imm. 4. Nunatta Katersugaasiviata Allagaateqarfialu allagaateqarnermut malittarisassanik annertuumik qaangiinnaasoqartillugu pisortat sullissiveqarfutaata oqartussaasutut quillersarisaanut imaluunniit oqartussaasutut nakkutilliisumut nalunaarutigissavaat, aamma Kultureqarnermut Naalakkersuisoqarfimmut ilisimatissutigissavaat.

§ 37. Nalunaarummi aalajangersakkat atugarisaasut § 17, imm. 1 malillugu nalunaarutigineqartut aamma § 10, imm. 5, § 22 aamma § 32, imm. 2 malillugu Nunatta Katersugaasivianit Allagaateqarfianillu najoqqtassat atuutsinneqartut unioqqtinnejarpata akiliisitaasussanngorttsisoqarsinnaavoq.

Imm. 2. Inatsisitigut akisussaasusut Kalaallit Nunaanni pinerluttulerinermi inatsimmi maleruagassat malillugit akiliisussanngortinnejqarsinnaapput.

Imm. 3. Akiliisitsissutit Nunap Karsianut tutsinneqassapput.

Kapitali 7

Atuutilersitsinermut atorunnaarsitsinermullu aalajangersakkat

§ 38. Nalunaarut ulloq 1. oktober 2016 atuutilissaq

Imm. 2. Katersugaasiveqarnermut Allagaateqarfeqarnermullu ataatsimiititaliap suleriaasissaa pillugu Namminersornerullutik Oqartussat nalunaarutaat nr. 2, 26. januar 1996-imeersoq,

Katersugaasiveqarnermut Allagaateqarfeqarnermullu ataatsimiititaliami katersugaasiviit akuerineqarsimasut sinnisaasa qinerneqartarerat pillugu Namminersornerullutik Oqartussat nalunaarutaat nr. 3, 26. januar 1996-imeersoq aamma Namminersorlutik Oqartussat nalunaarutaat nr. 22, 21. september 2016-imeersoq atorunnaarsinneqarput.

Namminersorlutik Oqartussat, ulloq 26. september 2016

Nivi Olsen

/

Mikael Kristensen